

(١)

غزوا مصر

أخرك تفضل تغني
إني بحبك يا مصر
حتى لو كنت منسي
ف خرابة ف ضهر قصر

تفضل تمدح ف نيلها
والميه مش لاقبها
شمس و نسيم و خضرة
والغربة هي ضلك

و مستخبي فيها

بتعاني طول تاريخك

فيض نيلك م الدموع

عائش طريد في بيتك

بتتداری في غلبك

تمردك سجون

و ثورتك ركوع

عشان مسجون و قهرك

زنزانه بألف باب

فاكر نفسك هتهرب

لما اخترت انت سجنك

في دقن أو نقاب!!

بتقول راضي و قانع

دی قناعتة ولا ذلة!!؟

بتوائم فى أمورك
مع كل دين و ملة!!
سايبها على اللي خالكك
تقول حتى إن جهنم
أكيد فيه حته ضلة!!؟

عشان كده هتفضل
عمر ك كله مطاطي
ما انت مالكشى حق
غير واحد بس عصرى
حقتك انك تغني
تاريخى كله نصر
وإنى بحبك يا مصر
و فخور بإنى مصري

القاهرة ٢٠٠٩/١٠/١٢

